

Sp. b.

- Er furt sy zu seinem vater Emor
 Als ich in nant hie vor
 Der sun sprach herr vad vater mein
 Du scholt mir nemen das mus sein
5. Ze weib di schon maid
 Dy mir also wol behait
 Das ich sew vor allew weib
 Mynn vnd ymmer irn leib
 Ze weib wil han des hilff du mir
10. Als ich wol getrau dir.
 Der chunig den sun do nam
 Zu Jacoben er mit im chom
 Vnd warib wie er vnder in
 Disen vnfug leit hin
15. Vmb disew selben geschicht
 Dy weil waren do da haim nicht
 Jacobs Sun doch chomen si do
 Vnd wurden laidig vnd vnfro
 Das in das laster geschah
20. Ir chainer nie wart sprach
 Vnd swigen in grimmigen mut
 Vor zorn vnd unmut
 Des nam der chunig do wol war
 Vnd warib dester fleissiger dar
25. Nach der schonen leib
 Seinem Sun zu einem weib
 [Er lobt] in vil vnd dannoch mer
 Von irs laidleichen hertzen ser
 Wolt er si mit gut gern pringen ab
30. [Sein reichait vnd] all sein hab
 Vnd was er [het] das m[ocht in n[icht]]
 Mit chainer hannt geschicht
 Ir hertz mit chainen sachen
 Senffter [noch] ringer machen.
35. Das si verchiesen wolten
 Den zorn als sy scholten
 Wann si gedachten an irm hertzen
 Ditz laides vnd des smertzen
 Das in was peliben
40. Den chunig sy gern hieten vertriben
 Das in ir laides purd
 Mit rach gestillet wurd
 Dauon sprachen si zu dem chunig do
 Mit valschem hertzen also.